

953
善提道次第廣論

(上)

北京善提學會重印

菩提道次第廣論卷一

宗喀巴大師造

法尊法師譯

「梵語」南無姑如曼殊廓略耶

「漢譯」敬禮尊重妙音

俱胝圓滿妙善所生身 成滿無邊衆生希願語

如實觀見無餘所知意 於是釋迦尊主稽首禮

是無等師最勝子 荷佛一切事業擔 現化遊戲無量土

禮阿逸多及妙音 如極難量勝者教 造釋密意瞻部嚴

名稱徧揚於三地 我禮龍猛無著足 攝二大車善傳流

深見廣行無錯謬 圓滿道心教授藏 敬禮持彼然燈智

徧視無央佛語日 賢種趣脫最勝階 悲動方便善開顯



敬禮此諸善知識

今勤瑜伽多寡聞

廣聞不善於修要

觀視佛語多片眼

復乏理辯教義力

故離智者歡喜道

圓滿教要勝教授

見已釋此大車道

故我心意徧勇喜

諸有偏執暗未覆

具辨善惡妙慧力

欲令暇身不唐捐

諸具善者專勵聽

此中總攝一切佛語樞要。徧攝龍猛無著二大車之道軌。往趣一切種智地位勝士法範。三種士夫一切行持所有次第無所缺少。依菩提道次第門中。導具善者趣佛地理。是謂此中所詮諸法。

此中傳有二派釋儀。勝那蘭陀諸智論師。許由三種清淨門中。詮釋正法。謂軌範語淨。學者相續淨。所說法清淨。後時止迦摩囉室囉。聖教盛行。彼諸智者。則許三種而為初要。謂正法造者殊勝。止法殊勝。如何講聞彼法規理。今於此中。應如後釋。

由是菩提道次引導分四。一為顯其法根源淨故開示造者殊勝。二令於教授起敬

重故開示其法殊勝。^三如何說聞二種殊勝相應正法。^四如何正以教授引導學徒之次第。今初

總此教授。即是至尊慈氏所造。現觀莊嚴所有教授。別則此之教典。即是菩提道炬。故彼造者。亦即此之造者。彼復即是大阿闍黎勝然燈智。別諱共稱勝阿底峽。

其殊勝分三。一圓滿種中受生事理。二其身獲得功德事理。三得已於教所作事業。

今初

如拏錯大譯師所造八十讚云。一東薩賀勝境。其間有大城。謂次第聚落。其中有王都。名爲有金幢。其宮極廣博。受用位饒盛。等支那國王。其國王善勝。妃名吉祥光。父母有三子。名蓮藏月藏。並其吉祥藏。太子蓮華藏。有五妃九子。長子福吉祥。現時大善巧。稱爲陀那喜。幼子吉祥藏。苾芻精進月。次子月藏者。即現至尊師。一

獲得功德事理分二。一知見廣博獲教功德事理。二如理修行獲證功德事理。

今初

如讚云。「二十一歲中善巧六十四技術及一切工處善構言及一切諸量。」謂於二十一歲以內學習內外四共明處。聲明。因明。工巧業明。及醫方明。善巧究竟。特如大卓龍巴云。十五歲時。僅聞一次。正理滴論。與一點慧戲論。外道興辯。令彼墮伏。美譽徧揚。

於其黑山道場。瑜伽自在。親見歡喜金剛尊身。獲得金剛空行佛母授記之尊重。羅喉羅。毘多前。具足請受一切灌頂。立密諱爲密智金剛。二十九歲以內。於多獲得成就師前。習金剛乘教典教授。善巧無餘。於諸密咒。唯我善巧。作是念已。諸空行母。於其夢中。陳示衆多。昔所未見密咒經函。摧其慢意。此後尊重。及諸本尊。若寤若夢。隨其所應。勸云。若出家者。則於聖教。及諸衆生。起大饒益。依是勸已。如讚中云。「共稱汝親教。爲加行道者。」遂請大衆部持律上座。得加行道一分眞實三摩地者。厥號戒鎧爲親教師。而正出家。其諱又名。勝然燈智。此後乃至三十一歲。習學相乘內明。上下諸藏。特於能飛聚落。法鎧師前。十二年中。聽受大毗婆沙。極善根本四部教典。雖諸異部。作受食等。諸微細分。互捨取處。徧知無雜。

由是度越自他諸部宗海彼岸。故是無倒解了一切教正法中樞要處者。

獲得證德事理者。總佛一切教法聖教。三藏寶攝。故證聖教亦須攝入三學寶中。其中戒學。至言及釋數數讚爲定慧學等一切功德之所依處。故須先具戒學。增上諸證功德。其中分三。

成就最勝別解脫律儀事理者。如讚中云。「尊入聲聞乘門已。護戒如犛牛愛尾。具妙梵行勝苾芻。持律上座我敬禮。」謂其正受圓滿苾芻諸律儀已。如愛尾牛。若尾一縷。掛著於樹。雖見獵士將離其命。寧捨其命。護尾不斷。如是雖於一輕學處。尙寧捨命防護不犯。况其所受重大學處。是故成大持律上座。

成就菩薩律儀者。如讚中云。「尊入度彼岸門已。增上意樂善清淨。覺心不捨諸衆生。具慧大悲我敬禮。」總具修習慈悲爲本。菩提之心衆多教授。特依金洲大師。多時修習。至尊慈氏及妙音尊。傳授無着及寂靜天。最勝教授。如讚中云。「能捨自利以利他。爲勝是即我師尊。」謂心發起。愛他勝自菩提之心。以此願心所引行心。受學菩薩廣大妙行。學

受隨行所有學處。行賢妙故。能不違越諸勝者。子所有制限。

成就金剛乘律儀者。如讚中云。「尊入金剛乘門已。自見天具金剛心。瑜伽自在獲中者。修密獲禁我敬禮。」成就觀見自身即天。生起次第及金剛心圓滿次第三摩地故。總讚爲其瑜伽中尊特讚。如理獲三昧耶。不越制限。亦如讚云。「由具念正知。不作意非戒。愼念無詔誑。犯罪不染尊。」如是於諸三種律儀淨戒學處。非僅勇受。如其所受隨行防護。不越制限。設少違犯。亦以各各還出儀軌。疾令淨。如是淨傳。應知是諸通達聖語樞要智者。所喜愛傳。隨諸正士。應當修學。

成就定學分二。共者謂由奢摩他門。得堪能心。不共定學者。謂具極穩生起次第。此復三年。或六年中。修明禁行。爾時遙聞。飛行國中。諸空行母。謳歌之聲。心中亦有所憶持者。成就慧學中共者。謂得止觀雙運毘鉢舍那三摩地。不共者。謂得圓滿次第殊勝三摩地。如讚中云。「如密咒乘教。顯是加行道。」

於聖教所作事中分二。一於印度所作事理。二藏中所作事理。

今初

於勝金剛座大菩提寺。曾經三次以法戰敗外道惡論。住持佛教。即於自部。上下聖教。所未達。邪解疑惑。諸惡垢穢。亦善除遣。而弘聖教。故一切部。不分黨類。奉爲頂嚴。如讚中云。「於大菩提寺。一切集會中。自部及他部。諸惡宗敵者。以獅吼聲語。一切腦崩裂。」又云。「能飛聚落中。出家二百半。能映覆戒中。出家不滿百。四本部全住。尊無部。傲舉。摩羯陀境內。一切寺無餘。成大師四衆。一切頂上珠。尊居十八部。一切頂中時。一切皆受教。」藏中所作事理者。天尊師長叔姪。如其次第。起大殷勤。數數遣使。洛摎。買精進獅子。及拏錯戒勝。往印迎請。菩提光時。請至哦日鐸。啓請治理。佛陀聖教。依是因緣。總集一切經咒要義。束爲修行次第。遂造菩提炬論等。而興教法。此復住於哦日三載。聶塘九歲。衛藏餘處。五年之中。爲諸善士。開示經咒教典。教授罄盡無餘。聖教規模。諸已沒者。從新建樹。諸略存軌。倍令增廣。諸被邪解垢穢染者。皆善治除。令聖教寶。悉離垢染。總之雪山聚中。前弘聖教。謂聖靜命及蓮華生。建聖教軌。然由支那堪布。解了空性未達要領。以是因緣。謗方便分。遮止一切。作意思惟。損減教法。爲蓮華戒大阿闍黎善破滅已。決擇勝者。所有

密意爲恩極重。於後宏聖教。則有一類妄自矜爲善巧智者及瑜伽師。由其倒執相續部義。於教根本清淨梵行。作大損害。爲此善士。善爲破除。復能殄滅諸邪執著。弘盛增廣無倒聖教。故其深恩普徧雪山一切衆生。

如是造論。光顯能仁所有密意。復有三種圓滿勝因。謂善所知五種明處及具教授。謂從正徧知展轉傳來。於其中間善士未斷修持彼義樞要教授。並得謁見本尊天顏。獲言開許。此等隨一雖能造論。然三完畢極爲圓滿。此大阿闍黎三皆備具。

其爲本尊所攝受者。如讚云。「勝歡喜金剛。立三昧耶王。雄猛世自在。主尊度母等。謁顏得許故。或夢或現前。當聞最甚深。及廣大正法。」師傳承中。有所共乘及其大乘二種傳承。後中分二。謂度彼岸及秘密咒。度彼岸中。復有三種傳承。謂見傳承及行傳承。其行傳承。復有從慈尊傳及妙音傳。於密咒中。亦復具足傳承。非一。謂五派傳承。復具宗派傳承。加持傳承。及其種種教授傳承等。親從聞學諸尊長者。如讚云。「恆親近尊重。謂寂靜金洲。覺賢吉祥智。多得成就者。尊又特具足。從龍猛展轉傳來最甚深。及廣大教授。」說有

十二得成就師。然餘尚多。善巧五種明處者。前已說訖。是故此阿闍黎能善決擇勝者密意。此阿闍黎於五印度。迦溼彌羅。鄔僅。尼泊爾。藏中諸地。所有弟子不可思數。然主要者。印度有四。謂與依怙智慧平等。大善巧師。號毘陀跋。及法生慧。中獅地藏。或復加入友密爲五。哦日則有寶賢譯師。拏錯譯師。天尊重菩提光。後藏則有迦格瓦。及廓枯巴。天生羅札。則有卡巴勝位。及善護。康地則有大瑜伽師。阿蘭若師。智慧金剛卡達敦巴。中藏則有枯嚙種三。是等之中。能廣師尊所有法業。大持承者。厥爲度母親授記菴。種敦巴勝生是也。造者殊勝略說如是。廣則應知。出廣傳文。

顯示法殊勝中法者。此教授基論。謂菩提道炬。依怙所造。雖有多論。然如根本極圓滿者。厥爲道炬。具攝經咒。所有樞要。而開示故。所詮圓滿。調心次第爲最勝。故易於受持。又以善巧二大車軌。二師教授。而莊嚴故。勝出餘軌。

此論教授殊勝分四。一通達一切聖教無違殊勝。二一切聖言現爲教授殊勝。三易於獲得勝者密意殊勝。四極大罪行自趣損滅殊勝。
今初

聖教者。如般若燈廣釋中云。「言聖教者。謂無倒顯示。諸欲證得甘露勝位。若人若天。所應徧知。所應斷除。所應現證。所應修行。即薄伽梵所說至言。謂盡勝者所有善說。

達彼一切悉無違者。謂於此中解了。是一補特伽羅成佛之道。此復隨其所應。有是道之正體。有是道之支分。此中諸菩薩所欲求事者。謂是成辦世間義利。亦須徧攝三種種性所化之機。故須學習彼等諸道。如釋菩提心論云。「如自定欲令。他發決定故。諸智者恆應善趣無謬誤。」釋量亦云。「彼方便生因。不現彼難宣。」自若未能如實決定。不能宣說開示他故。

了知三乘道者。即是成辦菩薩求事所有方便。阿逸多云。「諸欲饒益衆生。由道種智成辦世間利。」勝者母中亦云。「以諸菩薩。應當發起一切道。應當了知一切道。謂所有聲聞道。所有獨覺道。所有佛陀道。如是諸道。亦應圓滿。亦應成辦諸道所作。」故有說云。是大乘人故。不應學習劣乘法藏者。是相違因。

趣入大乘道者。有共不共二種道。共者即是小乘藏中所說諸道。此等何爲而應棄捨。故

除少分希求獨自寂靜樂等。外所餘一切。雖大乘人亦應修持。故諸菩薩方廣藏中。廣說三乘理亦即此。

復次正徧覺者。非斷少過圓少分德。是徧斷盡一切種過周徧圓滿一切種德。能成辦此所有大乘亦滅衆過備起衆德。故大乘道徧攝一切餘乘所有一切斷證德類。是故一切至言。悉皆攝入成佛大乘道支分中。以能仁言。無不能盡。一過失或令發生一功德者。故又彼一切大乘亦無不成辦故。

設作是云。若入波羅密多大乘。雖須小乘法藏。所說諸道。然於趣入金剛乘者。度彼岸乘。所有諸道。非爲共同。道不順故。此極非理。以到彼岸道之體性。悉皆攝入發菩提發心意。及六到彼岸行。是則一切定應習近。如勝金剛頂云。「縱爲活命故。不應捨覺心。」又云。「六到彼岸行。畢竟不應捨。」又餘咒教。宣說非一。

衆多趣入無上瑜伽曼陀羅時。亦多說須受共不共二種律儀。共者即是菩薩律儀。受律儀者。即是受學三聚戒等菩薩學處。除發心已。如其誓受學所學處。而修學外。雖於波羅

密多乘中亦無餘道故。又金剛空行及三補止。金剛頂中受阿彌陀三昧耶時。悉作是云。「無餘受外密。三乘正妙法。」受咒律儀須誓受故。由見此等少有開遮不同之分。即執一切猶如寒熱徧相違者。是顯自智極粗淺耳。

如是唯除少分別緣開遮之外。諸正至言。極隨順故。若趣上上三乘五道。必須完具下下乘道功德種類。波羅密多道者。如佛母中云。「所有去來現在佛。共道是此度非餘。」是趣佛陀道之橋梁。故不應捨。金剛乘中亦多說此故。是經續二所共道。若於其上更加密咒諸不共道。灌頂三昧耶律儀二種次第及其眷屬。故能速疾趣至佛陀。若棄共道。是大錯謬。若未獲得如是知解。於一種法。獲得一分相似決定。便謗諸餘。特於上乘若得發起一似勝解。如其次第。遂謗棄捨下乘法藏。諸度彼岸。即於咒中亦當謗捨下三部等。則當集成極相係屬。甚易生起。尤重異熟毀謗正法深厚業障。其中根據至下當說。是故應當依善依怙。於其一切至言。皆是一數取趣。成佛支緣。所有道理。令起定解。諸現能修者。即當修習。諸現未能實進止者。亦不應以自未能趣而爲因相。即便棄捨。應作是

思。頗於何時於如是等。由趣遮門現修學耶。遂於其因。集積資糧。淨治罪障。廣發正願。以是不久。漸漸增長智慧能力。於彼一切悉能修學。善知識敦巴仁波卿亦云。「能以四方道攝持一切聖教者。謂我師長。」此語即是極大可觀察處。由是因緣。以此教授能攝經咒一切樞要於一補持伽羅成佛道中而正引導。故此具足通達一切聖教無違殊勝。一切聖言現爲教授者。總之能辦諸欲解脫。現時久遠。一切利樂之方便者。是即唯有勝者至言。以能開示一切取捨要義。盡離謬誤者。獨唯佛故。如是亦如相續本母云。「此世間中更無善巧於勝者。徧智正知無餘勝性定非餘。是故大仙自立契經皆勿亂壞牟尼軌故。彼亦損於正法。」故諸契經及續部寶勝者聖言。是勝教授。雖其如是。然因末代諸所化機。若不具足定量釋論及善教授。於佛至言自力趣者。密意莫獲。故諸大車。造諸釋論及諸教授。是故若是清淨教授。於諸廣大經論。須能授與決定信解。若於教授雖多練習。然於廣大佛語釋論所有義理。不能授與決定信解。或反顯示彼不順道。唯應棄捨。若起是解。諸大經論是講說法。其中無有可修要旨。別有開示修行心要正義教授。遂於正

法執有別別講修二法。應知是於無垢經續無垢釋論起大敬重。而作障礙。說彼等中不顯內義。唯是開闢廣大外解。執爲可應輕毀之處。是集誹謗正法業障。是故應須作如是思而尋教授。諸大經論對於諸欲求解脫者。實是無欺最勝教授。然由自慧微劣等因。唯依是諸教典。不能定知是勝教授。故應依止善士教授。於是等中尋求定解。莫作是念起如是執。謂諸經論唯是開闢廣博外解。故無心要。諸教授者開示內義。故是第一。

大瑜伽師菩提寶云。「言悟入教授者。非說僅於量如掌許一小函卷而得定解。是說了解一切至言皆是教授。」又如大依怙之弟子修寶喇嘛云。「阿底峽之教授。於一座上身語意三。碎爲微塵。今乃了解一切經論皆是教授。」須如是知。如敦巴仁波卿云。「若曾學得衆多法已。更須別求修法軌者。是爲錯謬。」雖經長時學衆多法。然於修軌全未能知。若欲修法。諸更須從餘求者。亦是未解如前說義而成過失。此中聖教。如俱舍云。「佛正法有二。以教證爲體。」除其教證二聖教外。別無聖教。教正法者。謂是決擇受持道理修行正軌。證正法者。謂是如其前決擇時所決擇已而起修行。故彼二種成爲因果。如

跑馬時。先示其馬所應跑地。既示定已。應向彼跑。若所示地是此跑處。而向餘跑者。定成笑事。豈可聞思決擇此事。若修行時修行所餘。如是亦如修次第後編云。一復次聞及思慧之所通達。即是修慧之所應修。非應修餘。如示跑地。而應隨跑。一。如是由此教授。能攝一切經論中要道於從親近善知識法乃至止觀。此一切中諸應捨修者。即作捨修。諸應舉修者。即以擇慧而正思擇。編爲行持次第引導。故一切聖言皆現爲教授。若不爾者。於非圓滿道體一分。離觀察慧。雖盡壽修。諸大經論。非但不現爲眞教授。且於彼等。見唯開闢博大外解。而謗捨之。現見諸大經論之中。所詮諸義。多分皆須以觀察慧而正觀擇。此復修時若棄捨者。則於彼等何能發生定解。見爲最勝教授。此等若非最勝教授。誰能獲得較造此等。尤爲殊勝教授論師。如是若能將其深廣契輕及釋現爲教授。則其甚深續部及論。諸大教典。亦無少勞現爲教授。則能發起執持彼等爲勝教授。所有定解。能盡遮遣妄執。彼等非實教授。唯法所依。諸邪分別。罄無所餘。

易於獲得勝者密意者。至言及論諸大教典。雖是第一最勝教授。然初發業未曾貫修補

特伽羅。若不依止善士教授。直趣彼等難獲密意。設能獲得。亦必觀待長久時期。極大勤勞。若能依止尊長教授。則易通達。以此教授。能速授與決定解了經論樞要。其中道理於各時中茲當廣說。

極大惡行自行消滅者。如白蓮華及諦者品。宣說一切佛語。或實或權。皆是開示成佛方便。有未解是義者。妄執一類爲成佛方便。及執他類爲成佛障礙。遂判好惡。應理非理。及大小乘謂其菩薩須於是學。此不須學。執爲應捨。遂成謗法。徧攝一切研磨經云。一曼殊室利。毀謗正法。業障細微。曼殊室利。若於如來所說聖語。於其一類起善妙想。於其一類起惡劣想。是爲謗法。若謗法者。由謗法故。是謗如來。是謗僧伽。若作是云。此則應理。此非應理。是爲謗法。若作是言。此是有諸菩薩宣說。此是爲諸聲聞宣說。是爲謗法。若作是言。此是爲諸獨覺宣說。是爲謗法。若作是言。此者非諸菩薩所學。是爲謗法。一若毀謗法。其罪極重。三摩地王云。一若毀此瞻部洲中一切塔。若毀謗契經。此罪極尤重。若弑盡碗伽沙數阿羅漢。若毀謗契經。此罪極尤重。一雖起謗法。總有多門。前說此門。極爲重大。故應